



Bertholdus Ratisbona Bauarię oriundus à teneris annis literis operam dedit, et magnā eruditionis laudem adeptus est. Is pietatis amore Franciscanorum ordinem assumpsit, atq; passim in magna authoritate fuit, anno Christi 1260. Erat is integritate uitę ac facundia singulari nulli secundus. Itaq; suis sermonibus populum ad uirtutes excitauit, ac uitię quantum potuit extirpauit. Tantus hominum concursus erat, cum concio habenda esset, ut sese mutuò ui tēplo extruderēt, atq; per aliquot horas eius aduentum expectarēt. Itaq; Auentinus lib. 7. Annalium Boiorum prodidit, sexaginta amplius millia hominum eius conciones frequentasse.

Eius sepulchrum adhuc non solū incolis, sed & Vngaris uenerabile Ratisbonę in templo Franciscanorum ostenditur. Auent.